

apprendrez par la Relation comme le grand courage de Monsieur nostre Gouverneur luy fit faire vne campagne contre les Iroquois durant les rigueurs de l'hyuer passé, & fans m'arrester à vous en mander plus au long les particularitez, ie vous diray feule-ment qu'ayant amené quelques prifonniers de l'vn & de l'autre fexe, il s'est trouué vne femme Iroquoise laquelle ne pouuoit souffrir qu'on luy parlaft de nos myfteres & refusoit avec vn extreme mefpris, tout ce que le zele & la charité du Reuerend Pere Chaumonot luy en difoit, cependant eftant deuenüe malade elle a esté apportée à [10] nostre Hofpital, ou par la mifericorde de nostre Sauueur elle a changé fi parfaitement de sentimens que d'elle mefme elle a fupplié qu'on l'instruift, & a receu tous fes facremens dans vne paix & vne douceur extraordinaire dans laquelle elle est morte; il y a encore en nostre Hofpital vn Iroquois qu'on instruit pour estre catholique: Nous auons auffi vne petite fille de mefme nationagée de six ans, laquelle fuyant de fa cabane à caufe du grand carnage qu'elle y voioit fut prise par vn de nos habitans, qui eftant icy de retour en fit present à Monsieur Talon Intendant pour fa Majesté dans tout le Canada, il nous la mife entre les mains, cet enfant ne se sent point des inclinations fauuages ayant le naturel fort doux, l'esprit fort gentil & fort propre à la deuotion, elle ne manque pas de se trouuer avec nous dans toutes nos obseruances du [11] Chœur & y demeure avec vne modestie admirable. Il faut que ie vous auouë que ce nous est vn grand bon-heur d'auoir vn si braue Intendant, c'est vn excellent homme pour fa charité enuers les pauures, fa capacité pour les affaires, fa douceur & fon industrie à contenter tout le monde; fa prudente conduite nous fait goufter